



REPUBLIKA E KOSOVËS / REPUBLIKA KOSOVA
REPUBLIC OF KOSOVA
KOMUNA E FUSHË KOSOVËS / OPŠTINA KOSOVO POLJE/
MUNICIPALITY OF FUSHË-KOSOVË, KOSOVO POLJE

Nr.

Në mbështetje të Ligjit për Arsimin Para universitar në Komunitet e Republikës së Kosovës, Nr. 04/L-032, UA Nr.10/2018, UA 151/2020, nenit 4.5 dhe 6 paragrafi 1,2 të Ligjit të Punës Nr.03/L212, neni 80 i ligjit për zyrtarët publik nr. 08/L-197 , UA Nr. 01/2024 për rregullimin e procedurave të konkursit në sektorin publik, lidhur me kushtet dhe kriteret për themelimin e marrëdhënies së punës ,Komuna e Fushë Kosovës me datë **07.06.2024** shpallë :

K O N K U R S

Për themelimin e marrëdhënies së punës me afat të caktuar :

1.Titulli i vendit të punës : Zyrtar Publik

Titulli i punës : Drejtor i Institucionit Parashkollor

Orari i plote i punës : 40 h në javë

Vendi i punës : IP Fushë Kosovë

Raporton tek : Drejtori i DKA-së.

Mandati : 4 vjeçar

Pozita të lira : 1

Koeficienti : E14 - 6.2

Detyrat dhe përgjegjësitë e Drejtorit të IP :

1.Drejtori/eshë ka përgjegjësi ekzekutive në menaxhimin dhe administrimin e përgjithshëm të institucionit ,duke përfshirë :

1.1Pergatitjen e planit vjetor ,planit zhvillimor të institucionit edukativo-arsimor dhe raportet vjetore të punës ;

1.2 Përdorimin efikas dhe efektiv të sistemit për menaxhimin e informatave në arsim dhe respektimin e kodeve të këtij sistemi ,procedurave të sigurimit dhe afateve të përcaktuara për përditësimin e të dhënave të nevojshme gjatë vitit ;

1.3 Detyrat e caktuara për zgjedhjen e edukatoreve, vlerësimin ,disiplinën në institucionin edukativo-arsimor dhe çështjet tjera që kanë të bëjnë me edukatorët dhe punëtorët tjerë të institucionit;

1.4 Mbështetjen dhe mbikëqyrjen e zbatimit të plan programit ;

1.5 Mbështetjen dhe mbikëqyrjen e punës së aktiveve dhe bashkëpunëtorëve profesional të institucionit edukativo-arsimor , si dhe mekanizmave tjerë të institucionit edukativ që kanë rol në vlerësimin e performancës së institucionit dhe menaxhimin e cilësisë së punës së institucionit;

1.6 Bashkëpunon me Këshillin drejtues të institucionit edukativo-arsimor (KD), Këshillin e Prindërve dhe komunitetin e institucionit edukativ ;

1.7 Raporton së paku dy herë në vit për KD;

1.8 Siguron ambient të sigurt dhe përkrahës për fëmijët në institucionin edukativo-arsimor.

1.9 Ruajtjen e dokumenteve dhe të dhënave ,siç parashihet nga komuna apo Ministria e Arsimit dhe Shkencës (MASH);

1.10 Çështjet e tjera që rregullohen përmes ligjit për arsim parauniversitar, akteve nënligjore të miratuara nga MASH dhe obligimet që dalin nga rregullorja e komunës për arsim.

2. Kushtet e konkurrimit:

-Kandidatet e interesuar për të konkurruar për pozitën e drejtorit duhet t'i plotësojnë këto kushte:

-Të jenë shtetas të Republikës së Kosovës ;

-Të kenë të kryer arsimin universitar. Nivelet e kualifikimit që i plotësojnë kushtet sipas normativit profesional për arsim të përgjithshëm dhe normativit për arsim profesional në fuqi.

-Master për udhëheqje, administrim ose menaxhim në arsim (kualifikimin prej 300 ECTS, së paku 5 vite të shkollimit universitar);

-Master arsimor (kualifikimin prej 300 ECTS, së paku 5 vite të shkollimit universitar);

- Katërvjeçar kualifikimin prej 240 ECTS, 4 vite të shkollimit universitar);

-Bachelor katërvjeçar kualifikimin prej 240 ECTS, 4 vite të shkollimit universitar);

-Të kenë licencë të rregullt të mësimdhënësit sipas udhëzimit për licencim të mësimdhënësit.

-Të kenë përfunduar me sukses një program kualifikimi profesional për Udhëheqje ,Administrim ose menaxhim në arsim të bazuar në standardet e praktikës profesionale për drejtor të shkollave në Kosovë të aprovuar nga MASH sipas rekomandimit të KSHLM;

- Të kenë përvojë pune në procesin edukativo-arsimor sipas udhëzimeve të përcaktuara në katalogun e punës 4 vite përvojë pune për drejtor.

Kandidatët konkurrues duhet të posedojnë këto dokumente:

1. Diplomën e fakultetit të kryer për nivelin përkatës të kualifikimit;
 2. Certifikatën për kryerjen me sukses të programit të trajnimit për udhëheqje ,administrim ose menaxhim në arsim të bazuar në standardet e praktikës profesionale për drejtor të shkollave në Kosovë;
 3. Kandidati ose kandidatja që ka përfunduar programin universitar Master për udhëheqje administrim ose menaxhim në arsim në mungesë të certifikatës së trajnimit për udhëheqje arsimore ,ofron dëshminë e diplomës Master në këtë fushë të studimeve;
 4. Kopjen e dokumentit të identitetit (ID)
 5. Certifikatën shëndetësorë të lëshuar në gjashtë muajt e fundit nga një institucion i licencuar shëndetësor me të cilën dëshmohet gjendja e tij, e saj shëndetësore;
 6. Dëshminë se nuk është nën hetime dhe dëshminë se nuk ka qenë i/e dënuar për krim dhunë ose vepra të padenja që përfshijnë fëmijët;
 7. Dëshminë për përvojën e punës në procesin edukativo-arsimor;
 8. Deklaratën në betim që vërteton se në tri vitet e fundit kandidati, kandidatja nuk ka qenë në asnjë funksion udhëheqës në strukturat e partive politike.
 9. Portofolin profesionale me dëshmi sipas udhëzimeve në shtojcën e formularit H, të UA 151/2020 nga MASH. (PLANIN E PUNES).
- Kandidatët të cilët i plotësojnë kriteret sipas UA dhe Ligjit , do të ftohen në intervistë me gojë. Jetë përshkrimi (CV) i kandidatit vlerësohet deri në tridhjetë (30) pikë, ndërsa intervista vlerësohet deri në shtatëdhjetë (70) pikë.

Dokumentacioni për konkurrim dorëzohet në një kopje fizike në zyrën pritëse në objektin e Komunës, sipas afatit të konkursit të publikuar.

Konkursi mbetet i hapur 30 ditë nga dita e publikimit, nga data **07.06.2024** deri me **06.07.2024**.

Aplikacionet e mangëta dhe ato pas afatit nuk do të shqyrtohen.

Drejtori i Drejtorisë për Arsim



Fatlum Berisha